



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /19
Datum, 2019. godine

PRIJEDLOG

Na osnovu člana 30. Zakona o komunalnim djelatnostima («Službene novine Zeničko-dobojskog kantona», broj: 17/08) i člana 14. Statuta Općine Tešanj („Službeni glasnik Općine Tešanj“, broj: 11/07), Općinsko vijeće Tešanj na sjednici održanoj _ . _ . 2019. godine, donosi

**ODLUKU
o vrijednosti boda komunalne naknade za 2019. godinu**

Član 1.

Program finansiranja zajedničke komunalne potrošnje za 2019. godinu iznosi 1.156,000 KM.
Budžetom Općine Tešanj na stavci „Prihodi od komunalne naknade“ planirano je 200.000 KM za sufinansiranje Programa.

Član 2.

Vrijednost boda za obračun komunalne naknade u 2019. godini određuje se u iznosu od 0,002 KM/m².

Član 3.

Ova Odluka stupa na snagu narednog dana od dana objavljivanja u «Službenom glasniku Općine Tešanj».

**PREDSJEDAVAJUĆI VIJEĆA
Subašić Senad, dipl.ecc**

Obrazloženje:

PRAVNI OSNOV

Pravni osnov za donošenje ove Odluke sadržan je u članu 30. Zakona o komunalnim djelatnostima („Službene novine Zeničko-dobojskog kantona“ broj: 17/08).

OBRAZLOŽENJE

Odredbama Zakona o komunalnim djelatnostima ZDK utvrđeno je da se obaveza plaćanja komunalne naknade reguliše općinskim odlukama.

Uz osnove i mjerila na bazi kojih se utvrđuje visina komunalne naknade, kao jedan od elemenata jeste i vrijednost boda komunalne naknade koji Općinsko vijeće određuje svake tekuće godine za narednu godinu, na osnovu Programa finansiranja komunalnih djelatnosti. Vrijednost boda komunalne naknade služi za obračun iznosa naknade koja se utvrđuje i plaća po godišnjem obračunu.


Služba za finansije, privredu, komunalne i inspeksijske poslove Općine Tešanj donijela je Program finansiranja Zajedničke komunalne potrošnje za 2019. godinu, a koji obuhvata finansiranje komunalnih djelatnosti iz oblasti zimskog održavanja lokalnih i ostalih puteva, Program komunalne higijene, održavanje javne rasvjete, uklanjanje divljih deponija, zbrinjavanje pasa lualica, odvođenje atmosferskih voda isl.

Potrebna sredstva za realizaciju Programa iznose **1.156,000 KM**, a obezbjeđuju se iz općinskog budžeta. Imajući u vidu naprijed navedeno, predlažemo da se Odluka usvoji u ponuđenom tekstu.

PRILOG: Program finansiranja ZKP 2019

OBRAĐIVAČ

Služba za finansije, privredu, komunalne i
inspeksijske poslove
Hamzalija Hojkurić, dipl.eco



PREDLAGAČ OPĆINSKI NAČELNIK

Mr. sci. Suad Huskić



Broj: 02-02-1-2575-11/19

Dana: 16.04.2019. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Služba za finansije, privredu, komunalne i inspeksijske poslove

Broj: 04-02-1-2575-4/18
Datum, 11.02.2019. godine

Na osnovu člana 30. i 34. Zakona o komunalnim djelatnostima ZDK i člana 10. Odluke o komunalnoj naknadi, s ciljem utvrđivanja vrijednosti boda za obračun komunalne naknade, služba nadležna za komunalne poslove, donosi

Program finansiranja Zajedničke komunalne potrošnje 2019


R B	Zajedničke komunalne usluge	PLAN ZA 2019.god	PROGRAM	ZONE
1	-Utrošak električne energije za javnu rasvjetu (Potrošnja el. energije za javnu rasvjetu)	260.000	prema Odluci	sve zone
2	-Održavanje javne rasvjete, ukrasne rasvjete i svjetlećih znakova	52.000	prema Odluci	urbane
3	-Održavanje spomenika i spomen obilježja (Dom kulture, mezar MČĆ, Jelah, Tešanjka,..) -Održavanje poligona, igrališta, oglasnih tabli i parkovskih klupa -Sanacija kamenih podzida i spomenika	6.000 20.000 3.000	DA	sve zone
4	-Program komunalne higijene (Čišćenje ulica, Uređenje javnih površina: ozelenjavanje, košenje, drvoredi, vodotoci..) -Nabavka sjemena, đubriva, zaštitnih sredstava, farbi,.. Nabavka materijala i sitnog alata za proljetno uređenje -Ukrašavanje javnih objekata, parkova i ulica (dekoracija grada, postavljanje zastava, svjetlećih ukrasa, panoa,..) -Nabavka i sadnja cvijeća, orezivanje ukrasnog drveća i grmova	265.000 5.000 6.000 10.000	DA	urbane
5	-Uklanjanje divljih deponija -Zbrinjavanje otpada od zajedničke potrošnje (posip mat, nanosi u koritu i rigolama, trave od košenja, orez granja, smeće izvan obuh)	8.000 6.000	DA	sve zone
6	-Zimsko održavanje lokalnih puteva	220.000	DA	sve zone
7	-Zimsko održavanje puteva po sporazumima sa MZ	180.000	DA	sve zone
8	-Zbrinjavnja pasa lualica (Kafilarijske usluge)	45.000	DA	sve zone

9	-Odvođenje atmosferskih voda (Održavanje putnih kanala, propusta, rigola, rešetki i zasvođenih potoka)	80.000	DA	sve zone
10	-Održavanje javnih česmi i fontana	3.000	DA	urbane
11	-Održavanje javnih satova	5.000	Ugov o djelu	urbane
	SUMA (KM)	1.156.000		

Izvori finansiranja za 2019:

- grant ZDK 240.000 KM (100% plana iz budžeta 2019)
- Kom. naknada 200.000 KM (planirano u budžetu 2019)
- Putarine 230.000 KM (50% od ukupno planiranih u budžetu 2019)
- tekući Budžet 490.000 KM

1.156.000 KM



POMOĆNIK OPĆINSKOG NAČELNIKA

Hamzalija Hojkurić
Hamzalija Hojkurić, dipl.ecc